

四庫全書

子部

欽定四庫全書

唐開元占經卷十二

唐 瞿曇悉達 撰

月占二

月冠珥戴一

黃帝占曰月珥而冠者天子大喜或大風 荊州占曰  
月珥且戴不出百日主有喜 帝覽嬉曰月珥期六十  
日兵起 京房易傳曰月珥期三十日兵起 帝覽嬉

日月不暈而珥人主有喜兵在外亦有喜 荊州占曰  
月昏而珥者兵半起夜過半珥者邊地恐 春秋運斗  
樞曰主排公侯狡猾起尊能主則月珥兩 帝覽嬉曰  
月珥青憂也赤兵起黃喜也白喪也黑失國期皆不出三  
年 高宗占曰月兩珥十日雨三珥國喜四珥女主喪  
又曰人主諸侯立 荊州占曰月珥大水又曰月四提  
天子無妻若國有喪月六提天子遊天下 提猶珥也 荊州  
占曰月珥且戴不出百日有大喜

## 月背瑤二

春秋緯感精符曰背瑤以外圍月者臣弛縱叛逆欲相殘賊不和之氣也天子偏左右帝覽嬉曰月不暈有四瑤臣有謀不成京房易傳曰月背瑤其國有反者劉向鴻範傳曰月背瑤臣欲為邪也其色青中赤外有芒刺則為逆其色赤中青外無芒刺為謀此數見即國凶且背且抱為不和有欲為忠有欲為逆者也

## 月與五星合宿同光芒相陵三

荊州占曰月與歲星光明相逮飢三年糴貴民流亡

巫咸曰歲星與月同光以其月月蝕且以飢亡一曰國

以女樂亡海中占曰月與歲星同光即有飢亡黃

帝占曰月陵歲星年多盜賊刑獄煩京房易傳曰月

與熒惑會宿國王死海中占曰月與熒惑合其國太

子死貴人復傷凶不可有為若有內兵荊州占曰月

與五星熒惑合光芒刺相及其國有內亂兵三年又曰

其國太子死期三年巫咸曰月與熒惑同光以其月

月蝕內有亂臣且以飢亡 荊州占曰月與填星合芒  
刺相及其國飢 巫咸曰月與填星同光以其月月蝕  
且有以徭徙亡者 京房易傳曰月與太白會宿太子  
死 荊州占曰月與太白聚合宿其國立太子期不出  
一年 荊州占曰月與太白合其下兵大起 巫咸曰太  
白與月同光其月月蝕且以兵亡 荊州占曰月與太  
白皆出城守為賣城聖主明王急便守城 河圖帝覽  
嬉曰月與太白相過月出其南陽國受兵月出其北陰

國受兵 海中占曰太白出月右陰國有謀出左陽國  
有謀月挾太白諸侯將相謀不軌太白出月下芒相耀  
君死民飢 荊州占曰月戴太白卒兵期五日 巫咸  
占曰月不盡三日候太白出東方在月南中國勝在月  
北中國不勝 巫咸占曰月八月三日太白出西方在  
月南皆海國敗在月北皆海國勝 荊州占曰月八月  
三日太白失行而月在北太白在南秦戰不勝 荊州  
占曰秋冬八月三日太白出西方居月北者君強月南

君弱 荊州占曰八月三日月刺太白陽大邑拔小邑  
驅掠刺太白陰兵在外者不及入在內者不及出南方  
為陽北方為陰 巫咸占曰辰星與月同光其月月蝕  
且以女樂亡 荊州占曰辰星與月光相逮其國水  
海中占曰月與辰星相遇所合宿雨水敗 帝覽嬉曰  
月與辰星合宿其國亡地君王死 荊州占曰月與辰  
星合所宿之國兵起

月與五星相犯蝕四



巫咸占曰五星入月中人主死不出臣死非將即相也  
近期一年遠期三年 帝覽嬉曰月犯五星粟貴二犯  
之數貴 海中占曰月貫五星天子坐之 郝萌占曰  
金火與月相近其間六寸天下有兵間尺天下憂兵五  
尺無害 荊州占曰五星入月中其野有逐君大臣賊  
主月蝕五星若薄若舍皆其分有災 河圖帝覽嬉曰  
歲星入月中其國有逐相 春秋緯文曜鉤曰歲星入  
月中以妃黨之諧去 黃帝占曰歲星入月中不出一旬

天下有大災人君不平天星墜若雨霧不出一年糴什  
長八不出二年天下亡徙為亂若有野兵海中占曰

歲星蝕月有大喪女主死臣弑君易位 荊州占曰歲

星八月中大臣賊其主 荊州占曰月犯歲星其國民飢

死一曰主死期三年

按大興四年十二月丁亥犯歲星在房占曰其國兵飢民流亡永昌

元年王敦率江荆之衆來攻京都六軍敗績不能拒戰于是殺護軍將軍周顗尚書令刁協驃騎將軍戴淵又鎮北將軍劉隗出奔四月又殺湘州刺史史耽王承鎮南將軍甘卓閏十二月元帝崩 荊州占

曰月犯歲星其國疾 春秋緯元命包曰歲星逆犯月

法令散 河圖帝覽嬉曰月犯歲星其國飢一年二年  
乘之主死 荊州占日月乘歲星相死 帝覽嬉曰月  
貫歲星有流民不出十二年國飢亡 司馬遷天官書

日月蝕歲星其宿地飢若亡 帝覽嬉曰月蝕歲星其

鄉大戰大拔邑

按晉建興三年正月乙卯月掩歲星在  
參益州分也六月鎮西將軍益州刺史

周撫薨十月梁州刺史入益州以  
叛朱序率衆助刺史周楚討平之

荊州占日月蝕歲

星邦主無人人相食 荊州占日月吞歲星其國十二歲

而敗 河圖帝覽嬉曰熒惑入月中憂在宮中非賊乃

盜也有亂臣死相若有戮者

按洪範傳漢宣帝地節元年正月戊午夜月食熒惑在

角亢亢為朝廷憂在殿內非其賊有盜有內亂讒臣在傍故將軍霍光妻與其子及昆弟諸姪為侍中諸曹九卿太守皆謀反伏誅又晉太元十二年二月戊申熒惑入月占曰有亂臣死相若有戮者一曰女親為政是時瑯琊王輔政王妃從兄國寶以姻昵受寵又陳郡袁悅私媚荀進交通主相扇揚朋黨十三年殺悅是時主相有隙亂階興矣

海中占曰熒惑入月中臣以戰不勝內臣

死 荊州占曰火星入月中臣賊其主 黃帝占曰熒

惑蝕月讒臣貴後宮有害女主者 海中占曰熒惑入

月中及近月七寸之內主人惡之一曰讒臣在傍主用

邪 巫咸曰熒惑居河若守之月數出其間百日兵多  
移 巫咸曰熒惑犯月戰小吏死 帝覽嬉曰月犯熒  
惑國內降貴人兵死 京氏妖占曰月犯熒惑天下有女主憂  
荊州占曰月戰勝之國大將鬪而死 帝覽嬉曰熒惑貫月  
陰國可伐期不出三年其國亂貴人兵死近期不出五年其國  
受兵遠期不出十年而以兵亂亡也 海中占曰熒惑觸月上  
角為相下角為將中央為主 司馬遷天官書曰月蝕熒惑  
其宿地亂 海中占曰月蝕熒惑有白衣之事又曰其國內

敗五年大兵 荊州占曰月蝕熒惑有死相 荊州占  
曰月蝕火星天下滅亡期九年 帝覽嬉曰月蝕熒惑  
其國以兵起飢又以亂亡月以旦相及太子當晦以君  
當之 劉向洪範五行傳曰月蝕熒惑在角亢憂在中  
宮非賊而盜也有內亂一曰有死相若戮者貴人兵死  
讒臣在旁 荊州占曰月毀熒惑急在臣下 黃帝占  
曰月吞火賊滅國 荊州占曰月咽熒惑其師破敗  
河圖帝覽嬉曰填星入月中臣賊其主 黃帝占曰填

星入月中不出四旬有土功事若貴人絕嗣不出其年

王者當之 郝萌占曰填星蝕月女主凶當黜者有喪

河圖帝覽嬉曰月犯填星為凶地期不出十年其

國以飢亡一曰天下且有大喪

按洪範傳漢成帝建始元年十一月乙卯月蝕

填星在與鬼西北八九尺其占為飢民流千里後十五年民人飢函谷關逐食

荊州占曰月

犯填星其國貴人兵死天下亂一曰主死先舉事者

敗若天下有大風 巫咸日月犯填星女主敗

按魏青龍二年

十月乙丑月犯填星三年丙寅正月太后郭氏無疾乃忽崩

河圖帝覽嬉曰

月乘填星地動不乃天裂

河圖帝覽嬉曰填星貫月國

內亂期不出五年而亡

河圖帝覽嬉曰月蝕填星女

主死其國以伐亡若以殺亡

司馬遷天官書曰月蝕

填星其宿地下犯上

班固天文志曰月蝕填星民流

千里 荊州占曰月蝕填星國女亂

巫咸占曰月不

盡三日候太白出東方與月并准之其間容一指則八

月有破軍死將主人不勝容二指期十三日客軍不破

主人亡地容三指期二十日有破軍死將主人亡地容



四指期八十日客大敗容五指期三十日軍起而不戰  
巫咸曰八月三日候太白與并准之其間容一指軍在  
外期十日有破軍死將客勝容二指期十五日破軍死  
將主人勝容三指期十八日有破軍死將客軍大勝主  
人亡地容四指期二十五日客軍入境主人不勝容五  
指期三十日軍陣不戰 荊州占曰太白與月光并軍  
大戰相去一寸有拔城二寸有憂城三寸有憂軍 郤  
萌占曰太白與月相去三寸天子罷相 巫咸占曰太

白與月相近五寸天下有憂兵間五尺天下無害 荆  
州占曰太白東方始出為低在月南為得行在月北為  
失行其與月相過失行月不盡一日二月二日三月三  
日四月四日五月五日六月六日七月七日八月八日  
九月而起兵 荊州占曰太白在西方以始入為低在  
月北為得行在月南為失行其與月相過失行月生一日  
二月二日三月三日四月四日五月五日六月六日七  
月七日八月八日九月而起兵 荊州占曰太白八月

中不出客將死出者主人將死無軍大將當之 帝覽

嬉曰太白八月中將軍戮死一曰臣謀主不成皆不出

三年又曰必有內惡戰不勝亡地 海中占曰太白入

月中有殺不及九年國以兵亡 郝萌曰太白八月中

國失政大人為亂期三年一曰大人當之 荊州占曰

太白八月中無軍大將當之兵死期四十日又軍出主

人將死 河圖帝覽嬉曰月弦太白八月中侯多死者

荊州占曰太白八月中其國有分國立王 郝萌占

曰西方先起軍者即太白與月相去三尺有憂軍相去

二尺有憂城相去一尺有拔城 郝萌占曰月犯太白

將有兩心戴太白有卒兵 帝覽嬉曰月犯太白強侯

作難國戰不勝人君死亡國

按宋書天文志青龍二年十一月戊寅月犯太白占

曰人君死為兵景初元年七月公孫淵叛三年正月遣司馬懿討之三年正月明帝崩

荊州占

曰月犯太白強侯死又曰大將有兩心又曰太白與月

相犯國多寇盜 帝覽嬉曰太白與月貫期不出三年

國大危戰敗亡地以女亂亡期不出六年 帝覽嬉曰

月蝕太白強國以飢亡不必九年以城亡 司馬遷天

官書曰月蝕太白強國以戰敗 班固天文志曰月蝕

太白其國以戰亡 郝萌占曰月蝕太白其年臣弑主

勝臣亦死 荊州占曰月蝕太白民靡散

按晉興寧三年十月丙戌

夜月掩太白在須女占曰天下民靡散

郝萌曰太白蝕月易大將刑死

海中占曰太白居月中無光名曰月蝕太白臣弑其

主勝皆期三年

崔鴻春秋燕錄曰正始三年秋八月太白入月中冬十月戊辰雲臨東堂幸臣

離班姚仁懷劔執袋而入稱有所啟劔擊雲雲以反拒仁仁進而殺

帝覽嬉曰辰星入

月中賊臣欲殺主不出三年必有內惡戰不勝亡地

黃帝占曰辰星入月中不出三旬內有匿謀春夏有大

水秋冬有大雪牛馬疾疫穀貴

按晉陽秋考曰太元十三年十一月戊子辰星

入月在晉濟水入石頭春大水冬大雪牛馬死穀踊貴不出百日

荊州占曰辰星入

月刑事起 荊州占曰辰星入月中復出君死入不出

君臣皆死 帝覽嬉曰月犯辰星兵大起上卿死一曰

廷尉有憂期不出三年 京房妖占曰月犯辰星天下

大水 海中占曰辰星貫月不出四年有殃內禍匿謀

荊州占曰辰星貫月國以女子內亂期六年 巫咸

占曰辰星與月薄所舍之宿其主死其國亡 帝覽嬉

曰月蝕辰星其國以女亂亡若水飢期不出三年又曰

兵未起而飢所當之國起兵戰不勝 京房易傳曰月

蝕辰星其國女以戰 郝萌占曰辰星蝕月大水

唐開元占經卷十二

欽定四庫全書

唐開元占經卷十三

唐 瞿曇悉達 撰

月占三

月與列星相犯

郝萌曰月宿東壁營室奎婁胃皆主水以此星雨者則衝月雨水甚則水甚雨澤入地一寸至其報月立水七寸其潢流絕車轍谿谷溢又占曰月宿觜參井鬼柳



皆主旱以此星雨者則衝月旱雨甚者大旱雨微者小旱帝覽嬉曰月犯列宿其國有憂又曰列星貫月陰國可伐也期不出五年其國受兵不出十年中國有內亂大危甘氏曰月蝕列宿其國憂星滅天下有亡國星復見亡國復立兵起大勝高宗占曰星入月中將有大兵海中占曰星入月中其國君有憂一曰不出三年臣勝其主京房易傳曰星入月中大臣謀伐其主主令不行荊州占曰星入月中其國有喪又曰

有破軍 又占曰月末中而星入之有賊人為攻者在  
東方文者長武者亡月過中而星入之有賊人為攻者  
在西方武者長文者亡 帝覽嬉曰星出月陰負海國  
有勝星出月下芒角相歷者君死人飢 甘氏曰月犯  
列星其國憂若受兵殃 荊州占曰月犯所宿之星其  
國有軍將死 京氏妖占曰星與月同光臣不作亂則  
人民非上 荊州占曰月蝕列星不見者其國亡星還  
復見者國復立 又占曰星蝕月其國相死 京氏妖

占曰月中有星天下有賊星多者賊多 荊州占曰列  
星居月中無光其國以飢亡

月犯東方七宿

月犯角一

石氏曰月犯左角大人憂期六月一曰大臣憂喪 海  
中占曰月犯角其國有憂 河圖帝覽嬉曰月犯左角  
左將戰死期不出三年犯右角右將戰死 荊州占曰  
月犯左角大臣誅天下決水大獄犯右角兵起 河圖

帝覽嬉曰月乘左角法官誅乘右角兵起 海中占曰月

出角南國家多暴獄治病驕恣 荊州占曰月出左角

南三尺多獄五尺以上至丈所天子明威 又占曰月

乘右角后族家及將相有坐法死者 郝萌曰月乘左

角為旱右角為水 又曰犯左角左將軍死之一曰天

下有兵 按魏正始七年七月丁丑月犯左角占曰月犯左角天下有兵左將軍死到嘉平元年正月甲

午大將軍曹真誅時太傅舞陽侯屯兵浮橋積二年七月咸熙二年閏月庚子月犯左角到太始四年十月荊州刺史上言吳遣使持節施續領三萬人圍軫鄉右丞相萬或領萬五千人圍直城大將軍丁奉向壽春義陽

王率諸軍徇壽春兵起之應也

郝萌曰月貫左角三年太子死又

占曰月蝕角大人憂期三年一曰有獄事都尉死一曰

天下大凶 巫咸占曰月蝕角天子憂牢獄空用赦當

之期九十日 荊州占曰月蝕角三年更赦 河圖帝

覽嬉曰角星貫月三年國君死 郝萌占曰左角八月

中不出其年強國有喪右角八月中其君死期三年

月犯亢二

河圖帝覽嬉曰月犯亢兵起期不出三年 黃帝占曰

月犯亢將軍亡其鼓其國將死 海中占曰月犯亢亡地其

國有憂 荊州占曰月犯亢朝臣有事 郝萌曰月乘亢

左星為水右星為大兵

案魏正始九年正月辛亥月犯亢南星占曰兵起一曰將軍死到嘉

平元年正月廢大將軍曹爽等十六日誅爽時太傅勒兵浮橋積一年魏嘉平三年五月甲寅月犯亢距星到七月太尉王凌誅到四年三月鎮東將軍諸葛恪上言賊朱異蟻聚即誅截死者三萬餘人積十一月始應

### 月犯氐三

韓楊曰月入氐天下兵起 河圖帝覽嬉曰月犯氐其

國有軍將死一曰將當之 荊州占曰月犯氐其國有

軍一曰其國有憂 海中占曰月犯氐左星郎中左將

誅死犯右星郎中右將誅死皆期三年 荊州占曰月

乘氐右星天下有大兵天子自將兵於野

按魏嘉平三年四月戊子

月犯氐東北星占曰將軍死五年二月癸丑後將軍兗州刺史黃華薨

海中占曰月蝕

氐星翳一將死之國有誅者

### 月犯房四

帝覽嬉曰月行中道是謂安寧天下和平舉兵不吉欲被其刑逆天之道辱以無名又曰月宿天廄中央一軍罷

歸期不過三十日 郝萌占曰月當天門馬之間五穀  
大得人主益壽 河圖帝覽嬉曰月行陽環多小暴事  
又曰月宿天廐左間將軍論老弱分歸期不過三十日

又曰月行陽裏治驕恣多暴獄及驚駭內亂又曰月行  
四表之南陽人且錯禍不可克又曰冬三月月出房南  
近小旱遠大旱期在衝去房三尺曰近五尺曰遠 郝  
萌占曰月宿房南粟不美稻不實又曰正月十九日候  
月出房南有兵女主喪 荊州占曰月出四表以南



人君有憂 河圖帝覽嬉日月行太陽天下亂人民啼  
哭及天下大荒禍不可禁天下有兩心又日月行陰間  
多陰事小起又日月宿天廐右間將軍伐期不過三十  
日 郝萌曰日出陽間黍稷不為菽美 河圖帝覽嬉  
日月行陰裏權衡不得兵革時作邊境不休 又日月  
行四表之北陰人將草禍不可克又曰冬三月月出房  
北近小水遠大水期在衝 郝萌曰月行四表之北水  
旱不時民皆流食 荊州占曰月行房北帝有亂臣

河圖帝覽嬉曰月行太陰天下兵悉起及內淫流食

荊州占曰月行太陰民流亡 河圖帝覽嬉曰月犯房

星四足之蟲多死期不出一年 海中占曰房上第一

星上相次星次相下第一星上將次星次將也

按晉咸康二年

正月辛亥月犯房南第二星占曰將相有憂五年七月  
丞相王導八月太尉郗鑒六年正月征西大將軍庾亮  
並亮也  
荊州占曰月犯房為死亡近之為辱將相期三

年 按魏景初元年二月乙酉月犯房第二星房四星股  
肱臣將相位也占曰將相有憂若死亡到十二月司

空陳羣亮到三年七月司  
徒陳矯亮積一年六月  
黃帝占曰月犯上將上將

誅犯次將次將誅犯次相次相誅犯上相上相誅 河圖  
帝覽嬉曰月犯房心天下有殃主有憂 郝萌占曰月  
犯房有亂臣期不出三年臣伐其主天下有亡國 陳  
卓曰月犯房有兵又曰天下有殃主憂 郝萌曰月乘  
房滅左右官為有誅伏甲者陣兵在宗廟中天子不可  
出宮下堂又曰多暴事 河圖帝覽嬉曰月行房心間  
其旁有紅雲一諸侯一王死 郝萌曰月乘鈞鈴大人  
憂火令 荊州占曰月中犯陵房星者國君憂色青

憂喪赤憂積尸成山黑有將相誅白芒角大哭 郝萌曰

月有中犯乘守房左驂左服皆為夫人死所中相誅又

日月犯乘鈎鈐大臣有誤天子不尊事天者致火災於宗廟

天子崩王者不宜出宮下殿有謀匿於宗廟中者一曰犯

鈎鈐馬駕將有行

按魏正始六年十二月己巳月犯鈎鈐占曰王者憂一曰有火災到七年

二月熒乘黃廐署屋延燒又魏青龍三年十二月戊辰月

犯鈎鈐王者憂到景初二年十二月明帝崩積三年十一

月又案魏正始六年十二月己巳月犯鈎鈐占曰五星犯

鈎鈐皆主王者憂一曰有火災到七年二月熒乘黃廐延

燒西掖門到嘉平二年七月壬戌皇后甄氏崩

積三年七月應又案魏時火犯鈎鈐皆為后崩也

郝萌曰

月守房皆為人君無道又曰皆為天下諸侯謀相吞道不同又曰皆為胡發兵

月犯心五

班固天文志曰月犯心其國有憂若有大喪 摘亡辟曰六月辛酉月犯心亡君之戒也 郝萌曰月犯明堂星大人憂 海中占曰月犯心中央星入主惡之犯其前星太子惡之及失位犯其後星庶子惡之皆應以善事 郝萌曰月行出心以南在外大將易一曰無兵太

子事 陳卓曰月行宿心而霧山崩谷塞一曰水深

石氏占曰月乘心其國相死月北出其國旱宗廟有焚者月南出其將相有起兵 荊州占曰月犯乘心大人

凶天下大旱萬民災傷近期三年遠九年 石氏占曰

月合心星其君死 又曰犯大星主遇賊害國人為亂

又占曰月犯心大星女執行又曰太子不立 郝萌

曰月犯心星臣弑君又曰滅其君三年有憂賊臣 海

中占曰月犯心有亂臣天下有亡國蝕心國內亂有大

賊 河圖帝覽嬉曰月犯心亂臣在旁伐國期不出三

年其下有亡國又民伐其主應之以善事已殃除 海

中占曰月犯心中央星人主敗國有賊人為亂

按魏甘露二年

六月己酉月犯心中央大星  
景元元年五月高貴鄉公敗

郝萌曰月貫心其國亂

臣弑君 石氏占曰月貫心其國政亂 海中占曰月貫

心一年國君死不則臣伐主 黃帝占曰月貫心星三

年國內亂

按漢孝成帝陽朔元年七月壬子月犯心星  
占曰其國憂若有喪房心為宋今為楚地十

月辛未楚王芳薨積四月應又按王莽地皇元年正月  
月犯心前星為太子是歲後莽殺太子臨之黃初四年

十二月丙子月犯心大星占曰犯心國憂若有喪七年  
五月丁巳文帝崩積二年六月魏景初二年閏九月癸  
丑月犯心大星占曰月犯中央星其國有憂若  
有大喪到三年十二月明帝崩積一年四月

### 月犯尾六

河圖帝覽嬉曰月犯尾君臣不和 郝萌曰月犯尾貴  
戚有誅者其國有軍將死又曰在尾宿有變後宮不安  
妃后爭人君子孫不吉在宮中矣

### 月犯箕七

石氏曰月干犯箕度君臣不和 含文嘉曰月至箕則



風揚 春秋緯考異郵曰月失行離於箕者風 春秋

緯潛潭巴曰月入箕中其國有憂 黃帝占曰月入箕

糴大貴 郝萌曰月入箕天下大亂有兵國君死之又

曰必赦月在箕踵期三十日在口期六十日 河圖帝

覽嬉曰月犯箕有客讒人者 海中占曰月犯箕女主

有憂 郝萌曰月犯箕其國有軍將死 按魏嘉平五年六月十二日庚

辰月犯箕占曰軍將死到正元元年正月乙丑鎮東將軍母丘儉反正月甲辰斬儉積一年九月 又按魏甘

露元年八月七日辛亥月犯箕東北星占曰犯箕東北星軍將死到二年五月征東大將軍諸葛誕謀叛不就

後殺揚州刺史

樂綝積十月

月犯北方七宿

月犯南斗一

郝萌曰月宿南斗風一曰雨 又日月入南斗魁中大

人憂一曰太子殃又曰宮中有自賊者期三十日 荆

州占曰月入南斗兵起有憂不出三年 京氏曰月以

子丑申入南斗後百八十二日赦無餘囚 陳卓曰月

犯入南斗魁天下大赦一曰兵起

按晉成帝咸和六年正月丙辰月入南斗

占曰有兵一曰有大赦是月石勒殺掠婁武進二縣於是遣戍中州明年湖賊又掠南沙海虞民是年正月大赦伐淮南討襄陽平之又咸和八年三月己巳月入南斗與六年占同其年七月石勒死彭彪以熟石生以長安郭權以秦州並歸順於是遣督護喬球率衆救彪彪敗球退又石季龍石斌攻滅生權咸康元年正月大赦

黃帝占曰月以十月至四月入南斗中天下大赦近期六十日中期六月遠期一年 郝萌曰月一歲三入南斗口者其歲有赦 河圖帝覽嬉曰月犯南斗大臣及將去 郝萌占曰月犯南斗魁女主當之不出三年

荊州占曰月犯南斗將軍死 陳卓曰月犯南斗風雨

不時大臣誅不出三年 郝萌曰月乘南斗色惡蒼蒼  
丞相死 又占曰月變於南斗亂臣有更天子之法令  
者 荊州占曰月變於南斗易相近臣死

月犯牽牛二

河圖帝覽嬉曰月犯牽牛將軍奔天下牛多死 郝萌  
曰月犯牽牛其國有憂將軍亡旗鼓一曰有軍將死  
陳卓曰月犯牽牛星道路不通牛馬暴貴天下有大誅  
邦穀大貴又曰月犯牽牛軍亡犯河鼓戰 郝萌曰月

乘牽牛天下有大水起 又占曰月變於牽牛犧牲事  
也又曰四足之蟲疾 荊州占曰月行犯若暈牽牛天  
下馬多疾死

月犯女三

河圖帝覽嬉曰月犯須女天下多女患 陳卓曰月犯  
須女將軍死其國有憂 郝萌占曰月變於須女有兵  
不戰而降又曰有嫁女娶婦之事 陳卓曰月宿須女  
霧大人死一曰蟄蟲死

月犯虛四

河圖帝覽嬉曰月犯虛空邑復起 郝萌曰月犯虛天下亂政天下大虛其國有憂軍將死有哭泣之事又占曰月變於虛有土功事又曰在外軍大飢

月犯危五

郝萌曰月行若犯危有哭泣之事 河圖帝覽嬉曰月犯危治樓室屋者多 海中占曰月犯危其國有憂 郝萌曰月犯危有軍將死 陳卓曰月行所宿危而霧

兵起士卒多死 荊州占曰月有入危者大亂

天下大亂也

月犯室六

河圖帝覽嬉曰月犯營室以亂若亡地及宗廟毀若起室者海中占曰月犯營室其國有憂 郝萌曰月犯營室有宰相死 荊州占曰月犯營室兵起 郝萌曰月變於營室大臣為亂兵在外軍人見棄敗

月犯壁七

郝萌曰月宿東壁不雨則風 河圖帝覽嬉曰月犯東

壁大亂人民多死 海中占曰月犯東壁其國有憂

郝萌曰月犯東壁兵在外軍將死一曰有土功事 郝

萌曰月變於東壁兵在外軍人大驚近臣去 海中占

曰月蝕東壁其國有閉門事 石氏占曰月蝕東壁大

臣戮亡有文章者被執

月犯西方七宿

月犯奎一

郝萌曰月入天庫天下有兵起 河圖帝覽嬉曰月犯



奎大亂人多死者 郝萌曰月犯奎邊兵不安又曰有大水亂人多死 又占曰月犯若暈奎其國大人有憂 又占曰月蝕奎星大將戰死軍乏食 海中占曰月蝕奎星必有大戰軍乏食 郝萌曰月變於奎有溝瀆事一曰女子事 陳卓曰月宿奎而霧有妖星見或曰妖死一曰十日妖見君車

月犯婁二

河圖帝覽嬉曰月犯婁多淫獵 海中占曰月犯婁國

有憂 郝萌占曰月犯婁軍將死民多移徙又曰獄多  
冤死 陳卓曰月犯婁國君好愛婦女遊獵無度  
黃帝曰月變於婁有兵在外不戰而和 陳卓曰月行  
宿婁而霧多有人死復生者 海中占曰月蝕婁星軍  
不戰在外罷

月犯胃三

河圖帝覽嬉曰月犯胃倉庫散若有令一曰其國有變  
荊州占曰月犯胃倉粟散 海中占曰月犯胃其國

有憂 郝萌曰月犯胃隣國有暴兵伐中國一曰有軍  
將死又曰以夷為憂天下國無實 海中占曰月犯乘  
胃小國起兵倉庫虛一曰軍不戰民多病傷有令 陳  
卓占曰月宿胃而霧死於孕孝婦謀死

月犯昴四

石氏曰月入昴中胡王死 河圖帝覽嬉曰月犯昴天  
子破匈奴不出五年中若有白衣會 荊州占曰月犯  
昴以粟米為賤 河圖帝覽嬉曰月行犯昴北有赤白

雲緣月兵入匈奴地有得赤白雲不緣月兵入無得期  
不出三年 黃帝占曰月乘昴貴人有憂 郝萌曰月  
乘昴天下用法峻一曰水滿野五穀不收 又占曰月  
合昴有赦 又占曰月行觸昴匈奴擾擾 又曰月生  
於昴天下有赦 黃帝占曰月變於昴兵在外食絕  
郝萌曰月變於昴國有喪 石氏占曰月蝕昴貴臣誅  
貴女失勢 海中占曰月蝕昴諸侯黜門戶臣有事天  
下飢 石氏曰月出昴北天下有福一曰胡王死 郝

萌曰月犯昴其國有憂將軍死一曰胡不安

按魏正始元年四月

二十七日戊午月犯昴東頭第一星其年十月庚寅月

犯昴北第四星占曰月犯昴胡不安將軍死到二年六月

征西將軍趙傲上言鮮卑大人阿妙兒等殺掠敦煌太

守王延等將兵斬首千一百級冬十月又討斬阿妙兒

虜首千級三年正月又斬鮮卑大師首六百級討鮮

卑斬首千餘級八月丁巳輕車將軍特進王忠薨積三

年四

月應

### 月犯畢五

詩曰月離於畢俾滂沱矣謂大雨也 春秋緯考異郵

曰月失行離於畢則雨 蔡氏月令章句曰月離者所

歷也 班固天文志日月入畢則多雨 郝萌日月入

畢其國君大憂又曰兵起期一年先起兵者有破亡又  
曰與兩股齊近期二十日遠期六十日有將死 劉向

洪範傳日月入畢中將若相有一家事坐罪者近期百

二十日遠期十月一日國有反臣 郝萌占日月犯畢

兵革起一曰有女喪一曰女主當之

按魏太和四年二月丁未月加午在

畢大星四寸其五年十二月丁未月犯畢赤星占曰下  
犯上貴人諸侯當之又曰有大赦其五年三月蜀劉升  
為丞相諸葛亮將五萬人入天水攻將軍賈魏副車騎  
將軍舒等三萬餘人討之斬首三萬餘人投降者萬餘人

七月乙酉大赦六年正月甲戌皇女恭薨上及羣臣皆為之服五月甲戌皇太子殿下薨十一月壬寅吳越賊將周賀於東萊年半之內恣殺掠與青州刺史程喜戰射殺周賀斬首四千餘級又生擒八千餘人青龍元年八月己未大赦二年三月庚寅故漢帝山陽公崩以天子禮葬之諡曰獻帝積三年六月應也

郝萌

日月入畢有拘主近期百日中期十月遠期一歲又曰小人自立一曰小人罔上一曰將相驚又曰大赦期三月一曰在畢口期六十日赦在踵期三十日又曰有土功又曰有以弋獵事惑其君者石氏曰月居畢中不出其年女君死河圖帝覽嬉曰月犯畢天子用法以

誅罰急貴人有死者 京氏妖占曰月犯畢天下有變  
令 黃帝占曰月犯畢出其北陰國有憂 海中占曰  
月犯畢南陽國有憂 一曰賊臣誅不然邊有兵 郝萌  
曰月行犯畢赤星臣弑主 一曰乘畢赤星將死 又占  
曰月犯蝕畢有小疾 又曰合畢天下有赦合其陰水  
合其陽風 又曰月變於畢邊境有事 黃帝占曰月蝕  
畢使邊者凶 郝萌占曰月蝕畢諸侯相謀 又曰月  
入畢中而暈人主生 一曰人主伐 又占曰月入畢而



聖人生一曰人主伐 荊州占曰月蝕畢中星居月中  
不出其年女主當之 石氏占曰月蝕畢星中有土功  
事一曰女主有憂大臣繫囚者一曰天下兵起是謂小  
人國 陳卓曰月行宿濁而霧君使有道死於諸侯者  
一曰諸侯之使有道死者濁者卑也 陳卓占曰月犯附耳  
兵起若將相有喪憂不即免退

月犯觜六

河圖帝覽嬉曰月犯觜觿小將有死者 海中占曰月

犯觜觴小戰又曰小將吏多死 郝萌曰月犯觜觴武將皆叛 荊州占曰月犯觜觴道多死人

月犯參七

郝萌曰月宿參若宿伐皆為風雨 河圖帝覽嬉曰月犯參伐有兵事競城堡 海中占曰月犯參其國有憂又曰國有兵事 郝萌曰月犯參有軍將死 海中占曰月犯參右肩右將戰死犯左肩左將戰死 郝萌曰月犯右股大將戰死犯赤星將誅 石氏曰月犯乘參

右股五穀熟 黃帝占曰月蝕參貴臣誅赤地千里其  
國大飢人民相食 京房易傳曰月蝕參天下有小兵  
陳卓占曰月蝕參兵起戰從蝕所勝 海中占曰月  
蝕參伐兵大起

月犯南方七宿

月犯井一

郝萌占曰月宿東井雨不雨則風 河圖帝覽嬉曰月  
入東井諸侯貴人多死 荊州占曰月入東井有兵

河圖帝覽嬉曰月犯入東井中其國君有憂 黃帝占

日月犯東井有水事若水令 郝萌占曰月犯東井軍

將死

按魏青龍三年十一月己丑月犯東井北轅西第一星占曰月犯東井將死一曰國內有憂一曰有

水令到十二月乙卯右將軍朱蓋亮四年十二月癸巳司空穎陰侯陳羣亮又景初元年九月壬申詔曰今年雨過差冀亮徐豫四州特劇遇水溺沒死者所在開倉救濟庚辰皇后毛氏崩積二年十一月應正始五年十一月壬申月犯東井距星六月癸酉月犯東井南轅西頭第二星占曰月犯東井將死到七年十一月庚子鎮北將軍呂昭亮積二年魏嘉平三年四月戊寅月犯東井南轅西頭第二星占曰月犯東井將死一曰有憂到七月壬戌甄皇后崩太尉王陵誅積四年

黃帝占曰月蝕東井大臣有

謀皇后不安五穀不登 陳卓曰月行宿東井而霧有

水患 河圖帝覽嬉曰月犯鉞大臣誅 郝萌曰月中

犯乘鉞兵起斧鉞用 又曰月中犯乘鉞若蝕鉞為內

亂 按魏正始四年十月七日十一月十四日月犯乘守

鉞兵起一曰斧鉞用是月太傅舞陽侯上言吳將諸

葛恪屯據遣衆軍討恪恪棄城奔走投水死者萬計到

五年三月己卯大將曹爽率衆軍西征蜀積六月應

又按魏嘉平五年月暈犯鉞兵起一曰光祿大夫張緝皆

誅九月車騎將軍郭淮上言姜維等攻隴西斬首萬餘

人積十  
月應

## 月犯鬼二

郝萌占曰月犯輿鬼有軍將死 陳卓曰月行宿輿鬼而霧軍戰主人敗 又占曰月犯乘天尸亂臣在內

郝萌曰月有入輿鬼者皆為財寶出 河圖帝覽嬉曰

月犯鬼大臣有誅 一曰國有憂 陳卓曰月犯鬼天尸

國君有憂大亂大臣誅 又曰月入輿鬼乘質者君貴

人憂金玉用人民多病從南入為男從北入為女從西

入為老棺木倍貴

按魏青龍二年二月辛卯月犯輿鬼中史星其年十二月甲子復犯輿鬼

為天鑽主斬殺占曰民多病大臣憂又曰國有憂三年正月辛巳自冬涉春節氣不和因下詔曰連年疫疾彫

傷人民二月丁巳文德皇后崩四年五月乙卯司徒樂平侯董昭亮三年三月應魏正始二年九月癸酉月犯鬼西北星主金玉三年二月丁未月犯鬼西南星主布帛占曰大臣憂一曰有錢金到八月丁巳輕車將特進王忠亮至四年甲子上加服元賜諸侯王公公卿校將軍以下錢各有差一年五月應又魏嘉平二年十月丙申月犯鬼距星五年三月一日月犯鬼距星如占六年七月甄皇后崩太尉王凌楚王彪有謀妻子五歲以下皆誅積十月應

陳卓曰月蝕興鬼貴臣皇后有憂天下不安

近期一年遠期三年

月犯柳三

郝萌曰月入天庫天下有起土河圖帝覽嬉曰月犯

柳有木功事 又占曰月犯柳其國有憂又曰有軍將死 石氏曰月犯乘柳工匠興 陳卓曰月行宿柳而霧民多陰內之病又鳥多死 石氏占曰月蝕柳王者以病不安宮室 黃帝占曰月蝕柳大臣憂

月犯七星四

河圖帝覽嬉曰月犯七星兵在外戰 海中占曰月犯七星輕車戰 郝萌占曰月犯七星掌食臣有誅者國有憂將軍死 黃帝占曰月行宿七星而霧民分 郝



萌占曰月犯七星臣為亂 石氏占曰月蝕七星君后

大臣有暴憂國大飢 海中占曰月蝕七星國相更政

月犯張五

河圖帝覽嬉曰月犯張有饗客 郝萌曰月犯張將相

死其國有憂 黃帝占曰月蝕張貴臣失勢皇后有憂  
期七十日 陳卓曰月宿張而霧天子惡之

月犯翼六


河圖帝覽嬉曰月犯翼飛蟲多死 海中占曰月犯翼

其國有憂一曰相傳令一曰外夷有兵 郝萌曰月犯翼有軍將死若北夷有兵 又曰月犯翼女王惡之 黃帝占曰月蝕翼忠臣見譖言正事者亡不出其年 陳卓曰月行宿翼而霧后惡之

月犯軫七

海中占曰月犯軫兵車用近期二年遠期三年 郝萌占曰月宿軫風又曰月犯軫其國有憂一曰兵車出近期一年遠三年中 班固天文志曰月入軫則多風

黃帝占曰月蝕軫貴人亡皇后不安期有八十日者



唐開元占經卷十三

欽定四庫全書

子部

唐開元占經卷十四至  
六

詳校官中書<sub>臣</sub>李采

靈臺郎<sub>臣</sub>倪廷梅覆勘

總校官編修<sub>臣</sub>王熙緒

校對官庶吉士<sub>臣</sub>潘曾起

謄錄監生<sub>臣</sub>任鑑

欽定四庫全書

唐開元占經卷十四

月占四

月犯石氏中官一

海中占曰月入攝提聖人受制一曰謀臣在側 郝萌

占曰月犯蝕大角強國亡戰不勝一曰大人憂之期三

年一曰大角貫月天子惡之 陳卓曰月犯大角天下

唐 瞿曇悉達 撰

疾又曰有水災一曰月蝕大角天子死期十三年中

郝萌曰月犯天牢以獄不平

貫索之別名

郝萌曰月犯織

女女主有誅一曰人主有誅死

石氏曰月犯守東西

咸女主因淫致禍有陰謀不通東咸必有賊

按晉孝武帝大元二

十一年四月月犯東咸吳郡內史欽  
餘人戒嚴吳興諸郡響應為賊也

石氏曰月入天

市中大將死或易政

黃帝占曰月入天市有更幣之

令海中占曰月入天市中近臣有抵罪者

帝覽嬉曰

月行入天市及有變留其中女主憂將若相有戮死於

市者 郝萌曰月犯乘天市粟貴 石氏曰月犯候星

有憂 石氏曰月犯帝座宗星人主有憂 石氏曰月

犯宦者侍人誅 石氏曰月犯天江大水關梁塞 陳

卓曰月犯建星有臣相譖

按宋書天文志曰魏陳留王景元元年二月月犯建星後

鍾會鄧艾破蜀會諸艾遂皆夷滅

郝萌曰月變於建星有亂臣更天

子之法令者一曰易將相近臣多死

按晉咸康三年九月戊子月犯建星

占曰易相一曰大將死五年丞相王導薨庾亮並死也

黃帝

占曰月犯天弁粟貴一犯一貴數犯數貴 黃帝占曰

月犯河鼓左星左將死右星右將死一曰所中者誅一曰有軍敗亡其大將有兵起河圖占曰月乘大陵天下盡喪星衆兵革起死人如丘山星希則無石氏曰

月乘卷舌天下多喪黃帝占曰月入五車天庫兵起

道不通

按宋書天文志曰宋武大明七年十二月月犯五車後二年帝后崩大臣將相誅滅皇子被害

皇后崩四方兵起遣諸軍鋒外討之

石氏曰月犯五車兵起趨駕帝

覽嬉曰月行天淵中臣踰主黃帝占曰月行天淵中

若犯之貴人死黃帝占曰月犯天闕有亂臣更天子



之法主關津者有罪王者憂 黃帝占曰月出天門中  
道百姓安寧歲美無兵 帝覽嬉曰月乘天高將死外  
臣有誅者 石氏曰月出天門中道之南君惡之大臣  
不附 郝萌曰月犯南河戌為中邦凶 石氏曰月行  
南河戌中四方兵起有喪若大旱百姓數病 帝覽嬉  
曰月行南河之南兵旱並起男子喪乃始 劉向洪範傳  
日月入南河戌門民疾疫 黃帝占曰月出天門中道  
之北胡主死天下多死 石氏曰月行北河戌之間冠

帶國兵盡起道不通 帝覽嬉日月行北河之北兵水

並起女子喪乃始 郝萌日月經南戌之南刑法峻暴

誅伐不當經北戌之北以女金錢奢侈貪色失治道皆

近期三年中期六年遠期九年而災至 石氏日月犯五諸

侯諸侯誅

按宋書天文志曰宋孝武大明三年四月月犯五諸侯時竟陵王誕反遣沈慶之領羽林兵戰

屬城

帝覽嬉日月入軒轅有亂臣期不出三年 帝覽

嬉日月行軒轅中女主失勢其所中以官名名之一曰

五官有不治者 海中占日月犯軒轅大星女王當之

按晉安帝元興三年四月甲午月押掩軒轅第二星明年七月永安皇后崩 又按晉孝武大元五年七月庚子月犯軒轅大星九月癸未皇后王氏崩

帝覽嬉曰月犯軒轅左右角臣有誅者 帝覽嬉曰月犯女御星女御有憂 郝萌

日月犯御星御僕死 石氏曰月中犯乘軒轅大星民

大飢大流太后宗有誅者若有罪中犯乘少星民小飢

小流皇后宗有誅者若有罪 郝萌曰月乘軒轅端臣

子反其事成 荊州占曰月乘軒轅端女主有散死亡

去者 郝萌曰月蝕軒轅女主有憂以官名名之 石

氏曰月入軒轅中犯乘守之有逆賊有火災 巫咸占

日月犯少微處士有憂

按續晉陽秋曰會稽謝敷李慶緒隱若耶山初月犯少微時戴

達名著於數時人憂之俄而數死會稽嘲曰吳中高士便是求死不得也

黃帝占曰月入

中犯乘少微女主憂一曰宰相易 荊州占曰月犯少

微南第一星諸處士憂犯第二星諸儀士憂犯第三星

諸博士憂犯第四星諸大夫憂易史官黜 石氏曰月

入中犯乘守少微皆為五官亂宰相憂 荊州占曰道

太微為宮中逆亂政不行又曰月行太微中貴者失勢

必奪權勞所中成刑以官命之 黃帝占曰月行入太  
微中皆為大臣有憂一曰大臣死 郝萌曰月入太微  
中君弱臣強四夷兵不制有奸人來聽伺主之庭者又  
曰有喪 荊州占曰月入太微庭中東出大臣出令如  
主入中華西門出右掖門必有反臣 荊州占曰月犯  
太微庭臣弑其主 海中占曰月犯南門左右扉將相  
有免墮者期不出三年左右扉者執法也 石氏曰月  
入太微庭所中犯乘守者皆為天子所誅若有罪者

帝覽嬉曰月入太微庭所中犯乘守者各以其官名之  
春秋緯合誠圖曰入華闕門者皆為臣弑君之候也  
荊州占曰月入天子宫者為大臣者死 帝覽嬉曰  
月入太微而出端門者臣不臣 石氏曰月入太微中  
乘東西門若左右掖門而南出端門者皆為必有反臣  
又曰入西門出東門皆為人君不安欲求賢佐入中華  
西門出中華東門皆為臣出令入太陰西門出太陰東  
門皆為天下大亂有喪若大水 郝萌曰月入西門而

折出右掖門皆為大臣假主之威而不從主命月入西

門犯天庭出端門皆為大臣代主

按宋志晉恭帝元熙元年正月丙午三月

壬寅五月丙申七月己卯皆月犯太微二年六月三日帝遜位于宋

黃帝占曰月行入

及留太微中為大臣有憂 石氏曰月出東掖門為將

受命東南出西掖門為將受命西南 荊州占曰東南

為德事西南為刑事期以春夏 荊州占曰月中犯乘

守四輔為臣失禮輔臣有誅者 帝覽嬉曰月行犯左

右執法皆為大臣有憂 春秋緯文曜鉤曰月入太微

軌道者司出門守皆為天子所誅 帝覽嬉曰月出黃  
帝座之北禍之大出其南禍之小若近之大臣謀亂禍  
不成 石氏曰月犯黃帝座大人憂其中黃帝座大人  
易天下亂 帝覽嬉曰月犯黃帝座天下大亂存亡半  
海中占曰月犯黃帝座有亂臣人主惡之 郝萌曰  
月犯黃帝座臣子反弑其主事成 郝萌曰月抵黃帝  
座有土功事 黃帝占曰月犯四帝座天下有喪 石  
氏曰月犯四帝座若乘之君憂 荊州占曰月犯四帝



座諸侯凶 甘氏曰月中犯乘守四帝座天下亡 石氏曰月中犯乘守屏星者為君臣失禮而輔臣有誅者若免罷去 孝經內記曰月入三台中君有大憂患敗在臣下 黃帝占曰月入三台大臣為天子公族共弑君

月犯石氏外官二

郝萌曰月入庫樓天下有兵起 郝萌曰月宿羽林中兵大起 石氏曰月犯乘若中北落皆為天下兵大起

石氏曰月入天倉主財寶出憂臣在內天下有兵 石氏曰月犯天倉有移五穀 石氏曰月入天倉市兵起 郝萌占曰月行弧宿臣逾主 郝萌占曰月變於狼陣兵不戰一曰兵起如小戰一曰有水事

月犯甘氏中官三

石氏曰月在天理臣當坐欲反者而入獄一曰君有大憂 帝覽嬉曰月乘天高將死外臣有誅者 黃帝占曰月入五潢中者皆為兵起軍道不通天下大亂易政

一曰貴人死 黃帝占曰月中犯乘守五潢皆期二十  
日兵起 郝萌曰月入咸池暴兵起期四十日 郝萌  
曰月入咸池有迷惑人主者 荊州占曰月入咸池天  
下大亂人君死易政以入日占國 郝萌曰月有不從  
天街者皆為政令不行不出其年有兵又曰行天街中  
天下寧百姓順一曰行天街外百姓凶

月犯甘氏外官四

郝萌占曰月行折威中天子亡 甘氏占曰月入哭星

女主崩 黃帝占曰月入天積

即萌  
藁也

財寶出主憂臣在

內

月犯巫咸中外官五

郝萌占曰月乘鍵閉星大人憂

郝萌占曰月犯乘鍵

閉星大臣大誤天子不尊事天神致火災於宗廟天子

崩一曰王者不宜出宮下殿有偃兵於宗廟者 黃帝

占曰月行天淵中若犯之貴人死一曰臣逾主 石氏

曰月犯鈇鑕有戮臣 黃帝占曰月入鈇鑕者為大臣

誅 郝萌占曰月中犯乘守鈇鑕者為鈇鑕用一曰兵  
將有憂 石氏占曰月行天廐星開為兵歸月行天廐  
上不安

唐開元占經卷十四

欽定四庫全書

唐開元占經卷十五

唐 瞿曇悉達 撰

月占五

月暈一

石氏占曰月傍有氣圓而周匝黃白名為暈 巫咸曰  
月之暈者臣專權之象 石氏占曰月暈受衡所在之  
國安 甘氏曰月暈戰兵不合若軍罷 甘氏占曰日

月皆暈戰兵不合

謂晝有日暈  
夜有月暈也

京房易傳曰凡月暈

七日無雨大風兵作土功起 高宗占曰月暈明王自

將兵 荊州占曰月暈赤有光主起兵城降 帝覽嬉

日月暈兵春起不勝 荊州占曰月終歲不暈天下和

親 荊州占曰四孟月之七日四仲月之八日四季月

之九日皆當月暈暈不以其日不出三日有暴風甚雨

石氏曰月以正月一日二日暈必有土功 荊州占

日月春二暈者其民好鬪不有從民歲必大惡不出一



年糧貴 石氏占曰正月上旬一暈樹木蟲二暈禾穀  
蟲三暈震雷 荊州占曰一月五六七八九暈天下有  
亡地者十一暈天下更政 帝覽嬉曰五月中九暈以  
上者道上有熱死者 荊州占曰月暈四仲月之八日  
四季月之九日三日不雨皆為月蝕 河圖帝覽嬉曰  
月暈中赤外青羣臣親內外赤中青羣臣內其身外其  
心 荊州占曰正月九日十六日夜月暈者其五月有  
令十日暈者三月有令十一日暈者其月大旱十二日

十五日暈者飛蟲多死二十三日二十四日暈者五穀不成二十五日二十六日暈者女宗貴 荊州占曰月

以庚戌暈有救以遲疾為期

謂暈疾亦疾暈遲亦遲

荊州占曰

月正月甲乙日暈者木貴民人多病丙丁日月暈者旱金錢輕戊己日月暈者歲美小旱田宅貴庚辛日暈赦壬癸日暈者多水 高宗八節月暈占曰月以立春四十六日內暈者赤有兵黑多水蟲為災逆賊生民生子多怪月以春分四十六日內暈者赤為兵黃白憂多蟲

月以立夏四十六日內暈者赤少水白旱萬物不出者  
死人民流亡月以夏至四十六日內暈者赤小水黃白  
萬物化為白耳月以立秋四十六日內暈者赤小白明  
日甚雨出黃羽異身傷害五穀之心謂螟螣之類也月以秋分  
四十六日內暈者赤少黃白大雷發折木殺人月以立  
冬四十六日內暈者赤重如葢狀明日甚霧黑多冰霜  
春多風月以冬至四十六日內暈赤大白春多風殺人  
京房易傳曰正月三暈所宿國小飢五暈大飢

月重暈二

石氏占曰月以十二月八日暈再重大有風兵起三重  
天下兵大亂 石氏占曰月暈再重天下大風起 帝

覽嬉曰月暈三重其外青中濁不散軍會聚 荊州占曰

月暈四重以有亡國死王者五重其國女主死七重天

下易主八重天下有亡國

漢高祖七年月暈圍參昂七重占曰畢昴間天街也街北

胡街南中國昂為匈奴參為趙畢為邊兵是歲高祖為冒頓單于所圍

荊州占曰月暈三

重赤雲貫之其國破喪

平咸曰月五月中暈有九重

以上道路大有熱死者 高宗占曰月暈十重天下更  
王京房易傳曰月暈十二重天下半亡 帝覽嬉曰  
月暈再重倍在外私成於外倍在內私成於內

月交暈三

帝覽嬉曰月色黃白交暈一黃一赤所守之國受兵  
高宗占曰月交暈赤有光其國不出二年遇兵 石氏  
占曰月交暈貫月有事從貫擊者勝殺將有珥有喜

月連環暈四

荊州占曰月暈連如環為兩軍兵起君爭地 石氏占  
曰月暈一重下缺不合上有冠戴傍有兩珥白暈連環  
貫珥接北斗國有大兵大戰流血其地紛紜不出一年  
憂 石氏占曰月暈如連環重暈北斗魁前第一第二  
星大臣下獄流移一千里又曰暈輔星大臣下獄 荆  
州占曰月暈如連環有白虹干暈不及月女貴人有陰  
謀亂

月暈五星五

歲星

甘氏占曰月暈歲星色不明主人勝客明客勝主人  
巫咸曰月暈歲星其國主死 荊州占曰月暈歲  
星糴貴石千文民相食 海中占曰月暈歲星其主  
病重暈囚死或大水五暈人主有病喪 高宗占曰  
月暈歲星三復之相出走戰不勝所宿國飢 荊州  
占曰月暈歲星三復之人相擊客不勝所擊主人勝  
五復之國女主死 帝覽嬉曰月暈四重華五復之

所宿其國主死三復之黜相一曰客畔之不合所攻  
主人勝 帝覽嬉曰月暈回留歲星所守之國歲大  
熟 石氏曰歲星與月合在氐而暈不出四十日有  
德令

熒惑

巫咸占曰月暈熒惑星女主有憂若有死亡 巫咸占  
日月暈熒惑星其國主亡 荊州占曰月暈熒惑有  
兵在野大戰歸其國亡 荊州占曰月暈赤星熒



惑三月兵起 海中占曰月暈熒惑三復之國貴人憂  
荊州占曰月暈熒惑三復之相死 海中占曰月暈  
熒惑五復之主出走 荊州占曰月暈熒惑五復之主  
死 帝覽嬉曰月暈回熒惑所守之國亡又客兵入境  
為寇掠 帝覽嬉曰月暈回熒惑其色惡不明客敗其  
色明如角則客勝 郝萌曰月暈胃熒惑在其中天下  
有兵發于魏國不出一年大赦

填星

甘氏占曰月暈填星色不明主人勝客明客勝主人  
巫咸占曰月暈填星其國主死一曰旱 高宗占曰月  
暈填星所在之國兵起戰不勝 海中占曰月暈填星  
相死若皇后死不則亡地 荊州占曰月暈填星五合  
五解所宿國主當之 帝覽嬉曰月暈回填星所宿之  
國有德 帝覽嬉曰月暈回填星三復之相死天下土  
盡動大起邑屋大壞女主有憂五復之主死

太白

甘氏占曰月暈太白色不明主人勝客明客勝主人

巫咸占曰月暈太白其國主死 荊州占曰月暈太白

與月合其主死境外 荊州占曰月暈太白入暈其色

惡不明則客敗其色明而有角客勝其色如暈與月合

人主憂從中宮起 海中占曰月暈太白五復之主死

荊州占曰月暈太白五復之其國女主死 帝覽嬉

日月暈太白當其野者國受兵戰不勝又曰所守之國

兵起 帝覽嬉曰月暈太白三復之所宿國將若相死

之一曰客攻不合所攻主客

辰星

甘氏占曰月暈辰星色不明主人勝客明客勝主人

巫咸曰月暈辰星再合再解其國敗不出其年 巫咸

曰月暈辰星其國主死 荊州占曰月暈辰星其國以

水亡又曰秋兵起 海中占曰月暈辰星在春大旱在

夏主死在秋大水在冬大喪 荊州占曰月暈辰星再

合再解所宿之國飢敗期一年 高宗占曰月暈辰星

三復之國以水亡 荊州占曰月暈辰星五復之其國  
女主死 帝覽嬉曰月暈圍辰星所守之國有大水  
帝覽嬉曰月暈回辰星春夏民疾寒熱秋兵起及水冬  
主死若有水憂 荊州占曰月暈辰星角亢回二重如  
連環不出三年大臣大謀若誅

月暈列宿同占六

郝萌曰月以正月十二月暈角亢氐房心五星者大赦  
暈四星者小赦 巫咸占曰月暈角亢氐蟲多死天下

士卒死 陳卓曰月暈角亢大將軍有憂 帝覽嬉曰  
月暈田角亢蟲多死 石氏曰月暈氐房心有德令  
郝萌曰月暈氐房心其地有役 石氏曰月暈房心帝  
國有兵廟堂句氐宿大赦句三宿小赦五百里以下句  
二宿赦百里內 石氏曰月暈房箕風地動 石氏曰  
月暈心尾亢骨蟲為害一曰四足蟲一曰不出其年易  
政山崩出五十里外 石氏曰月以十一月暈心尾麥  
有價 荊州占曰月暈尾箕分有疾凶 石氏曰月暈

箕斗兵從東方北方來者勝從南方來者不勝 帝覽  
嬉曰正月月暈圓箕斗五穀不成 巫咸曰月暈圍斗  
五穀不成大將易 帝覽嬉曰月暈牽牛須女女子功  
絲枲皆貴一曰牛多暴死 郝萌曰月暈虛危有兵謀  
不成風起又曰有喪 石氏曰月暈虛危兵革離動宗  
廟 荊州占曰月暈營室東壁其地有謀不成一曰風  
起一曰大水且至又曰寡婦嬰兒多死 帝覽嬉曰月  
暈營室東壁有大土功 郝萌曰月暈奎婁其地大病

一曰水蟲多死 帝覽嬉曰月暈胃昴民多腹之疾

郝萌曰月暈胃昴畢有慶上賜下者一曰有德令無令  
則有兵起 郝萌曰月暈昴及畢比有反者 郝萌曰

月暈昴畢參赦者有善令期六十日又曰不出三年人  
主憂若有賜令 郝萌曰月以太歲所在辰暈畢與五

車及一星小赦二星次赦三星及五星大赦 郝萌曰

月以十一月暈五車及昴參其星皆入暈中有大赦其  
不盡入有小赦期在來年五月中 石氏曰以正月上



旬月暈昴畢參伐有赦令 帝覽嬉曰月暈回畢參觜  
矢弓弩貴 石氏曰月暈參井冰霜數至 巫咸曰月  
暈圍井鬼其年不和一曰旱 京房易傳曰月暈翼軫  
軍在外戰亡其偏將 郝萌曰月暈軫角先起兵者不  
勝重開吉重發兵者兵死 巫咸曰月暈軫角赦期百  
二十日一曰以四孟月暈軫角皆為赦

月暈東方七宿

月暈角一

石氏占曰月暈左角有軍軍道不通 石氏曰月暈右

角大將軍有病歲徧民飢角鱗蟲多死 黃帝占曰月

暈圍兩角大水期一年 石氏占曰月角中而暈王者

喜 石氏曰月暈左右角大赦暈一角小赦甲乙為春

丙丁為夏庚辛為秋壬癸為冬 巫咸曰月暈角亢有

角蟲多死天下士卒死及角中央王自將兵不行百里

士遁亡軍道不通及右角害大尉及左角獄大亂

後魏書曰

天興五年十月戊申暈左角時帝討姚興弟平於乾辟  
克之太史令姚崇奏角虫野死上慮牛疫乃命減諸輜

重甲戍車駕北引牛大疾死者十八自宮車所馭  
巨指數百同日斃於路側尾相屬亦多死之徵也

海

中占曰月暈角亢歲民饑

陳卓曰月暈角大將有殃

郝萌曰月暈角有兵百日罷無兵後百日起又曰先  
起兵者不勝又曰暈右角右將軍有殃暈左角左將軍  
有殃又曰暈右角臣倍主暈左角大臣謀期三年暈天  
門十月十二月諸侯有不通者又曰乘若暈角為水又  
曰多風雨 荊州占曰月暈圍左右角天下有大兵天  
子為軍自守左右動搖非常人主憂臣弑君 荊州

占曰月以正月暈角公子死一曰將軍死歲飢又曰以正月十七日月暈於角天下赦正月戊巳暈左角有喪河圖帝覽嬉曰月行天門暈三重天清淨闕梁不通

應之以善事

晉咸和三年月暈左角有赤白珥禮約以問戴洋洋曰壹門當大戰有賊亂洋字國

流吳國人頗識天文陰陽之數約為豫州洋為督護約本胡後洋遍遊公侯之門莫不說重其所占候並多神驗事見晉史也

甘氏曰月八角而暈大赦不則日蝕所蝕之

宿其邦不安帝覽嬉曰月暈左角天子為軍自守暈兩角有軍軍道不通大龍見

月暈亢二

石氏曰月暈圍亢君有兵革之事期三十日遠三月

石氏曰月以秋一日三暈亢大臣有死者兵大戰水中

期三十八日再暈大雨雪水 郝萌曰月暈亢有兵八

十日罷無兵後八十日兵起秋三月再暈亢民移千里

三暈亢有赦令秋一月再暈亢必冬雷而水三暈亢大

臣有死者一曰大戰三冬暈亢年有所不安以赦解之

荊州占曰月暈圍亢王者自將兵不過百里期一月

遠三月 帝覽嬉曰月暈亢主自將兵不行百里 海  
中占曰月暈角亢歲凶民飢 石氏占曰月暈亢者角  
蟲多死

月暈氏三

郝萌占曰月暈氏人多疾以十一月十二月暈左天子  
有不安以赦解之 郝萌曰月暈圍氏不出四十日有  
治道之事 河圖帝覽嬉曰月暈氏大將誅若水蟲多  
死

月暈房四

河圖帝覽嬉曰月暈房行三軍而戰 郝萌曰月暈房  
太子座之若財寶出若穀貴又日月以三冬暈房天子有  
所不安以赦解之 荊州占曰月暈圍房四方兵起野  
有露骨不葬 荊州占曰月暈圍房心其地大疫水蟲  
多死 易緯是類謀曰月珥指房四方煩若以土之功

月暈心五

石氏日月暈心大戰山崩谷塞水出五十里一日火海中

占曰月暈圍心人主有殃又曰大旱 荊州占曰月暈心主  
憂一曰將死又曰軍進又曰有兵三十日罷無兵三十日  
兵起又曰月以正月暈心蠶不為繭圍心將易有主死又  
曰赤地千里 石氏曰月暈心穀大貴 帝覽嬉曰月暈心  
不出其年大失火 郝萌曰月暈心三日不陰不雨不出三  
日有大喪又曰三日不風雨不出三十日有奇令 石氏曰月  
一歲再暈圍心有大旱及大火其將舉兵起若國易相  
期三年 郝萌曰月暈心五重其國女主死再重為有大



喜海中占曰月暈圍心中有赤雲若白雲大如杵而  
貫月大人當之不然兵起 郝萌曰月暈心三重赤雲  
貫之此謂之守國破喪戮侯王

月暈尾六

東觀占曰月暈尾有益地者百里以上又曰民多病寒  
熱又曰風大至若水 石氏曰月暈尾益地 郝萌曰  
月暈天司空其歲不登有大水在東方又曰不出其年  
有赦 荊州占曰月暈圍尾有益地者百里以上又曰

民病寒熱又曰大風至

月暈箕七

石氏曰月暈箕五穀以風傷 郝萌曰月暈司空不出

百里必有守倉求食者以千數 荊州占曰月暈箕大風

發屋有坐口舌死者北夷穀貴燕趙大飢 荊州占曰

月暈箕歲星在其中王者娉皇后貴妾不出百八十日

月暈北方七宿八

月暈斗一

郝萌曰月暈南斗大將死民流千里馬牛大病 陳卓  
曰月暈南斗大臣免大將為亂五穀不成 河圖帝覽  
嬉曰月暈南斗大將出

月暈牛二

郝萌曰月暈乘牽牛五穀不成 黃帝占曰月暈牛有  
軍曝血將死 黃帝占曰月暈牛小兒多死牛疫死一  
曰馬多疫死 荊州占曰月暈牛牛羊貴

月暈女三

河圖帝覽嬉曰月暈須女必有軍曝血將死 郝萌曰

月暈須女寡婦多疾有兵謀謀不成風起 石氏曰月

暈圍須女兵進而不鬪一曰兵不戰而降寡婦多死有

兵謀謀不成風起 荊州占曰月暈須女布帛倍價

河圖帝覽嬉曰月暈須女兵起不鬪一曰民多去室宅

一曰絲貴

月暈虛四

黃帝占曰月暈虛兵起大戰 郝萌占曰月暈虛民飢

有哭泣蟄蟲死一曰飛蟲多死又曰兵起有土功事

荊州占曰月暈虛有白衣聚遠期百八十日又曰宗廟動兵 帝覽嬉曰月暈虛民多去室宅者

### 月暈危五

黃帝占曰月暈危有兵一曰軍敗 郝萌曰月暈危其國主死民多疾死有兵謀不成 荊州占曰月暈危有亂謀天下擾民無所措 帝覽嬉曰月暈危軍所止民多去宅者 郝萌曰月正月暈危民去室宅

月暈室六

海中占曰月暈室大城圍屠 郝萌曰月暈營室為宮  
敗又曰有蠻夷來 荊州占曰月常以四月七月十月  
候月月暈玄宮不出六十日必有妄言驚聚百姓者不  
然不出九十日天下有急事 帝覽嬉曰月暈室有喪

月暈壁七

海中占曰月暈東壁有大土功事 黃帝曰月暈於東壁  
軍人敗 郝萌曰月暈壁民流亡一日見大龍一曰婦

兒多死者 荊州占曰月暈壁大亂又曰月暈壁三重  
國動兵不戰不出一年 帝覽嬉曰月暈壁見龍大敗  
月暈西方七宿九

月暈奎一

郝萌曰月暈奎妖星出大將戰死 巫咸曰月暈奎米  
貴 荊州占曰月暈奎兵大敗士卒亡魯國亡 石氏  
曰月暈奎兵大敗一曰有兵令一曰不出十日妖星見  
荊州占曰月暈奎婁絮太貴

月暈婁二

郝萌曰月暈婁大人憂一曰大人死一曰蠶多死糴苦  
絮貴四孟之月暈赦 荊州占曰月暈婁五日之內不  
雨宰相疑默事解 郝萌曰月暈婁盡圍三星赦若歲  
星守婁在暈中大赦期九十日 河圖帝覽嬉曰月暈  
面婁君和解

月暈胃三

郝萌曰月暈胃其國主死天多陰雨妊婦多死一曰山



崩又曰盡圍三星赦 荊州占曰月暈圍胃兵起其國  
戰不勝有破軍一曰不戰山崩若軍大歸穀大貴 郝  
萌日月以四孟之月三四暈胃赦 荊州占曰月暈圍  
胃兵不戰一曰姪女多死 河圖帝覽嬉曰月暈回胃  
兵不戰

月暈昴四

荊州占曰月暈昴其國主死一曰貴人多死一曰有兵  
若暴令近期三十日遠百里坐流言者又曰不出其年

天下有變又曰水無收糴貴民離其鄉又曰有腹病畜  
產多死 荊州占曰月暈昴天下飢 京氏曰月以九  
月十二月十三日暈昴及五車天下赦 郝萌曰月暈  
昴以甲午乙未及戊巳必大赦期三日戊巳期六十日  
郝萌曰月暈昴盡得七星三月小赦 石氏曰月暈  
昴天下飢一曰貴人多死一曰糴貴 郝萌曰月暈昴  
三重不出五十日赦 巫咸曰月暈昴食大絕一曰免  
多死 石氏曰月一歲三圍昴來年天下大赦若弓絮

貴 郝萌占曰月暈昴民憂疾又曰一歲一暈小赦再  
暈中赦三暈大赦期並不出其年

月暈畢五

郝萌曰月暈畢無德令則民憂兵又曰五穀大賤 荆  
州占曰月暈畢大赦期三十日 郝萌占曰月入畢中  
而暈人主坐之一曰人主代 京房對災異占曰月三  
暈畢天下中外俱赦 郝萌占曰月暈從畢兩角前圍  
之不及本一星主四月赦

月暈觜六

荊州占曰月以正月暈觜觶大赦 郝萌曰月暈觜觶  
有德令女子多疾 荊州占曰月暈觜觶大赦期三十  
日 河圖帝覽嬉曰月回觜觶道多死人大將死一曰  
弓弩貴

月暈參七

郝萌曰月暈參不出歲中天下亂其國戰兵弱地裂人  
主有殃 荊州占曰月暈參其國客軍大恐戰不勝

郝萌曰月暈參頭赦期二十日一曰暈二星小赦暈三星大赦衝為期 石氏曰月暈伐將軍死貴人有誅者京房易飛候曰月暈參其有兵則戰無師是年三操土功事 郝萌曰月暈伐大人多死 石氏曰月暈參軍不勝暈匝有雲潰暈兵大起在外大戰 荊州占曰月暈伐二百一十日有兵若赦有善令不出五日雨 郝萌曰月以正月十一月十二月暈參其歲惡虎狼羣出害人民 甘氏占曰月以正月暈伐二夜不出三旬

兵起

月暈南方七宿

月暈井一

海中占曰月暈東井胡兵起 郝萌曰月暈東井天下  
有兵 郝萌曰月暈東井王者出遊來年大旱又曰後  
六月丙辰大赦 荊州占曰月暈東井陰陽不和又曰  
月暈圍東井四夷求和 郝萌曰月以十二月壬癸暈  
東井大赦 巫咸占曰三月暈東井大水流

月暈鬼二

石氏曰月暈鬼忝貴三倍 甘氏曰月夏三暈鬼大雨  
五穀不成 郝萌曰月以正月上旬暈鬼赦期三十日  
海中占曰月暈鬼大旱 荊州占曰月暈鬼陣不戰  
郝萌曰月以一月再暈鬼多死人 郝萌曰月以夏  
三月暈鬼一曰大霧一曰大雹大霜一曰大雪一曰大  
雨水一曰大蟲一曰大火又曰二暈小水一暈為寒  
郝萌曰月以夏一月一暈鬼為寒再暈小水三暈大水

郝萌曰月以四月七月十月暈輿鬼中出氣東行者皆為老公多死南行者皆為丁壯多死西行者皆為老嫗多死北行者皆為少年多死皆期九十日

月暈柳三

石氏曰月暈柳秋木鬱若有兵戰 巫咸占曰月暈柳三日有赦大臣有死者兵不戰有水民移 郝萌曰月暈柳有獄事若其地旱民多疾死又曰月暈汪其地有禍其歲中人多死者老小哭泣道路若飛蟲多死又曰



穀貴人相食又曰圍注不出三十日有野兵圍城

注即柳之

別名

平咸占曰月暈柳有野兵

郝萌曰月以正月十

月暈柳頭赦期三十日

### 月暈星四

郝萌曰月暈七星有獄事其地有禍若旱一曰輕車戰  
河圖帝覽嬉曰月暈七星輕兵戰若飛蟲多死 石

氏占曰月以七月暈七星月暈七星民多天傷物再榮

### 月暈張五

黃帝占曰月暈張天下大水 黃帝占曰月暈張飛鳥  
死一曰海鳥亡 郝萌曰月暈張其地旱若大人憂一  
曰人相食 荊州占曰月暈張大水魚行人道 陳卓  
曰月暈張五穀貴若鹽貴 帝覽嬉曰月圍張飛蟲多  
死一曰獄罪人民不定

月暈翼六

郝萌曰月暈犯翼女主惡 黃帝占曰月暈翼士卒多  
遁走一曰士卒大聚 陳卓曰月暈翼士卒大盜一曰

卒勝大盜一曰士卒勝一曰春赦一曰亡其將 郝萌  
曰月暈翼春有赦又曰旱若大風傷 荊州占曰月暈  
翼兵起天下庫兵出一曰有軍軍罷 巫咸占曰月暈  
翼大戰民去室宅 郝萌曰月以二月暈翼至五月赦  
又曰月暈翼有車馳人走之事貴人多反者

月暈軫七

春秋緯考異郵曰月暈軫諸侯滅兵 黃帝占曰月暈  
軫大將軍戰死一曰亡其將一曰罷軍無軍 郝萌曰

月暈軫兵起先起兵者不勝若大風傷歲 陳卓曰月  
暈軫歲小旱 荊州占曰月一月而三暈軫天下無懸車  
繫馬 郝萌曰月以正月暈軫公子死又曰大飢車貴  
以二月暈軫至五月赦以四月暈軫有德令以十二月  
暈軫庫無懸車廐無繫馬一曰有軍則罷

唐開元占經卷十五

欽定四庫全書

唐開元占經卷十六

唐 瞿曇悉達 撰

月占六

月暈石氏中官一

郝萌曰月暈攝提大角在暈中天下兵橫行不禁諸侯  
分政天下大亂內興兵與上爭立者以其時赦 黃帝  
占曰月暈大角人君侯王親戚憂服 郝萌曰月暈大

角國家亡地

郝萌曰月以正月三暈天牢大赦一曰

天下大敗多盜

賈索別名

石氏占曰月暈織女兵滿天下

郝萌占曰月暈天市有兵 郝萌曰月暈津星大將

死五穀不成民流千里牛馬大疫 荊州占曰月暈津星

蛟龍見 郝萌曰月暈津星之口不出二旬天下大赦

郝萌曰月暈津星有亂臣更天子之法令者 荊州

占曰月暈津星天下大亂亡 陳卓曰月暈河鼓大將

出將失計 荊州占曰月暈圍大陵前足赦死罪圍後

足赦小罪 郝萌曰月暈五車其國女主惡之 石氏曰月

暈五車圍一星赦小罪圍二星三星四星赦次罪圍五星

赦死罪并暈畢昴大陵必大赦 巫咸占曰月暈五車一

柱兵少出圍二柱兵半出圍三柱兵盡出兵在外暈一柱

兵少罷二柱兵半罷三柱兵盡罷 郝萌曰月暈五車不

及獄星無赦又曰月以正月暈五車圍五星有德令以四

月七月十月暈五車有水陰雨五十日以十一月暈五車

五穀貴又曰以十二月暈五車期四月有德令 郝萌

曰月一歲三暈天關其年赦又曰月暈天關不出六月有

大喪以其日占國暈天關民多疾

南北河之別名

荊州占曰

月行宿天門暈三重氣青關梁不通

帝覽嬉曰月暈南

北河戍有雲貫之起兵者勝 郝萌曰月暈南北河戍有

土功 黃帝占曰月暈軒轅有女喪 荊州占曰月暈軒

轅不出其月有客米 京房曰庚子夜月暈軒轅後甲

子有大赦 郝萌曰月暈圍軒轅不出五十日天下小赦 荊

州占曰月暈天庭天子以兵自衛 巫咸占曰月暈太微庭



天子發軍自衛不入將軍之軍又曰一二三軍庭人主  
自衛 郝萌曰月三暈紫微赦 石氏曰月暈太微宮  
天子以兵自守三暈之天子自臨兵行 甘氏曰月一  
月三暈圍太微庭天子座發軍謀在軍中一曰天子亡  
也以太赦解之 京房占曰月以庚子夜暈太微至後  
甲子有赦令 郝萌曰月暈黃帝座有赦令 郝萌曰  
月暈文昌赦 荊州占曰月以正月三暈天牢太赦  
巫咸占曰月暈連環及北斗天下大亂國喪民徙千里

不則有流亡拔城反地者不出二年 黃帝占曰月暈  
北斗有喪流民千里糴貴兵聚甲乙期百二十日丙丁  
期八十日戊己期六十日庚辛期四十日壬癸期二十  
日皆行矣一曰兵大起有益地者一曰天下火兵大起  
郝萌占曰月暈北斗再重如連環狀不出三年大臣  
有誅者又曰暈北斗有大喪赦天下

按魏黃初四年十一月十七日有此到

七年五月文帝崩明  
帝即位大赦天下

陳卓曰月暈北斗太微大角各

得一星兵大動天下亂不然即水入城傷人民期三十

日夏氏曰暈如連環重暈北斗魁前第一星第二星大臣下獄流移二千里又曰暈輔星大臣下獄石氏曰月暈一重下缺不合上有冠戴旁有兩珥白暈連環貫珥接北斗國有大兵大戰流血其分亡地不出一年月暈石氏外官二

石氏曰月暈平星凶又曰月暈魚星凶石氏曰月暈九次凶郝萌曰月以四月七月十月暈弧兵起荊州占曰月暈狼星狗多暴死

月暈甘氏中官三

荊州占曰月宿天門暈三重氣青關梁不通 郝萌曰  
日月暈天高不出六月必有大喪以其日占邦 石氏  
曰月暈月星不出四年有殃內禍匿謀 郝萌曰月暈  
天街關梁不通

月暈而珥冠戴抱背玦直虹蜺雲氣四

帝覽嬉曰月暈而珥歲為平安 帝覽嬉曰暈而兩珥  
先起兵者有喜 帝覽嬉曰月有雲暈不合外有四倍

璫外有謀不成 甘氏曰月暈有虹背蜺亂起期百八十日 帝覽嬉曰月暈蜺雲乘之以戰從蜺所往者大勝 石氏曰月暈無精光青赤暈虹蜺背璫是謂大盪兵喪並起王者以赦除 高宗占曰月暈有雲加之兵入境所宿國主有喪 帝覽嬉曰月暈有雲貫暈左右吏死 京房易傳曰月暈有雲貫暈不期年所值國有喪 荊州占曰月暈有雲橫貫之起兵者勝 帝覽嬉曰月暈有雲大如厚布四貫暈通月不出其年主人憂

帝覽嬉曰月暈有雲如厚布若三若四貫暈抵月以戰勿當當者破 帝覽嬉曰月暈赤雲大如杵有軍在外萬人死其下 荊州占曰月暈有白雲出其中東西竟天萬民受賜 帝覽嬉曰月有白雲貫暈其雲大如杵一端抵月月之所直者不出年中國主女喪 高宗占曰月暈多白氣從外入攻城城拔得大將多白氣從中出主人勝 帝覽嬉曰月暈有白氣廣可二三尺而抵月在東方名嬰兒攻人地者亡其師 卓氏曰月暈

有雲貫暈約月不出其年所直國有喪 荊州占曰月  
暈有白雲一黑雲二如布抵暈有國城拔邑將死 帝  
覽嬉曰月暈有青雲刺月是謂賊害主受其殃為歲五  
穀不熟有赤雲刺月是謂仇賊有黃雲圍月有女主  
戮死者期不出四十日有白雲刺月其國君遇賊有黑  
雲貫月乍一乍二乍三其名曰衡雲所宿國主死若將  
軍死

月暈有流星出入月暈中五

荊州占曰月暈有流星出其中其國貴人有出走者流星入其中有大使入者 帝覽嬉曰月暈有流星橫貫月度暈中者諸侯皇后有亡失國者又曰流星貫暈不中月出月右如建鼓右吏死出月左左吏死 帝覽嬉曰天下無雲有流星過月下若月上其國有喜一曰兵出荊州占曰月暈有流星從中出其色蒼其國憂若赤拔城黃益地白來年穀熟黑軍敗 帝覽嬉曰月暈有星出中國貴人有出走者有星從外入暈中其國有



大夫八者

月暈客星六

帝覽嬉曰月暈客星所宿之國憂 石氏占曰月暈客

星星在月北北國勝星在月南南國勝

他方準此

唐開元占經卷十六